



Clypevs Theologiæ Thomisticæ

Continens Tractatus de Beatitudine, de Actibus humanis, eorumque
Moralitate; de Virtutibus ac Donis, de Vitiis ac Peccatis, & de Legibus,
nec-non Dissertationem Theologicam de Probabilitate

Gonet, Jean-Baptiste

Parisiis, 1669

§. IV. Corollaria notatu digna

[urn:nbn:de:hbz:466:1-77355](#)

quo pacto homo se habet ad actiones donorum, A cùm potentia animæ, ut per dona elevata, habeant sufficientem proportionem cum illis. Solutio est D. Thomæ h̄c art. 3, ubi secundo loco sibi idem argumentum objicit, & respondet, quod ratio illa procedit ex instrumento, cuius non est agere, sed solum agi: tale autem instrumentum non est homo, sed sic agitur à Spiritu sancto, quod etiam agit, in quantum est liberi arbitrii, unde indigeret habitu.

Ad ultimam respondeo, hoc axioma: *utimur habitibus quando volumus*: intelligi de habitibus subditis rationi, & communib⁹ regulis; non verò de illis qui non subduntur rationi, nec regulis ordinariis, sed extraordinariis utuntur, B e cuiusmodi sunt dona Spiritus sancti: unde ut homo illis utatur, indigeret speciali motione illius; sicut ad actus indeliberatos, qualis est prima intentio finis, debet specialiter moveri à Deo, absque prævio consilio & deliberatione rationis, ut docet Aristoteles lib. 7, moralium Eudimiorum cap. 18. & D. Thomas supra qu. 9. art. 4.

S. III.

Diluuntur aliae objectiones contra secundam conclusionem fieri solite.

13. **O**BJICES primò contra secundam conclusionem: Idem præstant virtutes theologicæ, & morales infusa, quod dona: Ergo non distinguntur realiter inter se. Consequentia patet, Antecedens verò probatur. Dona per nos habent disponere animam ad recipiendam motionem Spiritus sancti: Sed hoc idem præstant virtutes theologicæ, & morales infusa; cùm enim homo non possit actus illarum virtutum elicere, nisi Spiritus sancto moveat, inspirante, & illuminante, eo ipso quod illæ disponunt & compleant potentias animæ ad actus supernaturales elicendos, etiam illas disponunt ad recipiendam motionem, inspirationem, & illuminatiōnem Spiritus sancti: Ergo &c.

14. Respondeo negando Antecedens, ad cuius D probationem dicendum, quod licet virtutes theologicæ, & morales infusa, disponant animam ad recipiendam motionem Spiritus sancti, diversimodè tamen à donis, nam dona illam disponunt ad motionem Dei specialem, quā homo à Deo movetur, non medio consilio & deliberatione, sed divino instinctu; virtutes verò theologicæ, & morales infusa, illam disponunt ad recipiendam motionem Spiritus sancti communem & ordinariam intra ipsum ordinem supernaturalem, per quam scilicet homo natus est moveri supposito consilio & deliberatione rationis. Unde D. Thomas h̄c art. 1. ad 4. *Sapientia dicitur intellectus virtus, secundum quod procedit ex judicio rationis; dicitur autem donum, secundum quod operatur ex instinctu divino.*

15. Objecies secundò: Virtutes infusa, & dona versantur circa eandem materiam, v. g. fortitudo ut est donum, & ut est virtus; similiter fides & intellectus respiciunt eadem objecta: Ergo non distinguntur inter se realiter.

Respondeo virtutes infusa, & dona respicere quidem eandem materiam, sed modo valde diverso; nam dona eam attingunt sub motivo longe altiori, nempe ut subest mensura excedenti modum rationis.

Instabis: Ad attingendum aliud sub motivo altiori non requiritur nova virtus, sed sufficit quod eadem fiat intensior, minimè verò quod distinguitur specie ab ea qua potest tantum attingere illud sub motivo inferiori & minus arduo: Ergo illa ratio non convincit dona distingui realiter à virtutibus infusis, sed ad summum accidentaliter, sicut virtus intensa distinguitur à remissa.

Respondeo distingendo Antecedens: Ad attingendum aliud sub motivo altiori, non requiritur nova virtus &c. quando motivum altius & minus arduum sunt intra eandem rationis mensuram dirigentem, concedo Antecedens: secūs, nego Antecedens. Motivum autem, sub quo attingitur objectum per dona Spiritus sancti, est extra lineam, mensuræ motivi, sub quo attingitur per virtutes infusas: quia ista respiciunt objectum, ut modo humano (intra ordinem tamen supernaturalem) attingibile; dona verò respiciunt illud ut attingibile supra omnem modum humanum.

Dices: Etiam in virtutibus theologicis interdum contingit aliquem operari præter communem & ordinarium modum, ut cùm aliquis ex charitate animam suam tradit pro amicis; vel tam perfectam habet fidem, ut ea sufficiat ad montes transferendos, & miracula patranda:

Ergo non solum dona, sed etiam virtutes supernaturales & infusa, respiciunt suum objectum, ut supra omnem modum humanum attingibile.

Respondeo quod quando virtutes theologicæ actus aliquos heroicis & extraordinarios elicunt, adjuvantur à donis Spiritus sancti, quia sola ratio cum virtutibus illis non sufficit ad tales actus elicendos. Unde cuilibet virtutis theologicæ aliquod donum correspontet; Fidei enim correspondent Intellectus & Scientia, ut docet S. Thomas 2. 2. qu. 8. & 9. Spei donum timoris, ut docet qu. 19. & Charitati donum Sapientia, ut assertit qu. 45.

S. IV.

Corollaria notata digna.

EX dictis inferes primò, dona in communis sic posse definiri, seu describi: Dona sunt bona qualitates mentis à Deo infusa, quibus nullus male utitur, & quibus recte vivit, restringit operationes quae est supra omnes regulas prudentia, tam acquisitæ, quam infusa, ex peculiari instinctu & inspiratione Dei. Vel aliter: Dona sunt dispositiones ad optimum, excedens regulas ordinarias cuiuscumque prudentiae.

Inferes secundò, dona Spiritus sancti esse homini necessaria ad salutem. Ut enim discurret S. Thomas h̄c art. 2, quod imperfetè habet naturam aliquam, vel formam, aut virtutem, non potest per se operari, nisi ab altero moveatur; sicut luna, in qua est imperfetè natura lucis, non illuminat, nisi illuminata à Sole: Sed virtutes theologicæ, & morales infusa, imperfetè informant animam rationalem: Ergo per illas non ita perficitur homo in ordine ad ultimum finem, quin semper indiget moveri quadam superiori instinctu Spiritus sancti, subindeque donis illius, quæ animam ad motionem illam disponant.

Inferes tertio, dona Spiritus sancti non pos-

sc

se esse sine charitate: quia sicut virtutes morales reddunt vires appetitivas mobiles à ratione, ita dona reddunt vires anime mobiles à Spiritu sancto: sicut autem ratio perficit per prudentiam, ita Spiritus sanctus habitat in nobis per charitatem: Ergo sicut virtutes morales concrentur cum prudentia, ita dona cum charitate.

Ex quo

21. Inferes quartū, quod sicut una virtus sine aliis non est perfecta, ita nec unum donum sine alio perfectum est potest. Unde Gregorius i. moral. cap. 15. Sicut unaquaque virtus sine alia valde destitutur; ita unumquodque donum sine alio imperfectum erit. Minor est sapientia que intellectu caret: sapientia enim quae est sine intellectu, est hebes. Inutilis est intellectus, si ex sapientia non subsistat: quia cum altiora sine sapientia pandere penetrat, sua illum levitas gravius ruiturum levat. Vile est consilium sine fortitudine: quia quod tractando invenit, sine viribus ad ultimum non perducit. Fortitudo etiam quae plus potest, sine moderamine rationis in preceps ruat. Nulla est scientia sine pietate: quia qui bona cogita non exequitur, gravius judicatur. Pietas sine scientia discretione quomodo misereatur ignorat. Timor sine his nihil valet, quia ad omnia trepidans, à bonis operibus torpet.

22. Inferes quintū, quod dona Spiritus sancti quoad ipsorum materiam, circa quam nunc versantur, ipsa scilicet opera vita activæ, non remanebunt in patria, nam opera illa non habent locum in statu gloriae: remanebunt tamen, & quidem perfectissimè, quantum ad essentiam donorum; quia tunc homo totaliter Deo subditus, Spiritus sancti motionem perfectissimè sequetur. Habebunt etiam omnia dona actus suos in patria circa ea quae pertinent ad vitam contemplativam, quæ est vita beata. Unde Ambrobus lib. 1. de Spiritu sancto cap. 20. *Civitas Dei illa Hierusalem cœlestis, non meatu alicuius fluvii terrestris alluitur; sed ex vita fonte procedens Spiritus sanctus, cuius nos brevi saeculum habemus, in illis cœlestibus spiritibus redundantius videtur affluere, pleno septem virtutum spirituum fervens meatu.*

23. Inferes sextū, dona Spiritus sancti esse quidem inferiora virtutibus theologicis, sed superiora virtutibus moralibus, sive infusis, sive acquisitis.

Prima pars hujus corollarij patet: Nam virtutes theologicæ conjungunt nos ultimo fini, dona verò deserviunt ad movendum nos ad ultimum finem, juxta illud Psalmi 142. *Spiritus tuus bonus deducet me in viam rectam: Ergo virtutes theologicæ omnibus donis præferendæ sunt.*

Secunda etiam pars non est minùs evidens: Homo enim per virtutes morales acquisitas disponitur ut facile & connaturaliter moveatur à ratione; per infusas, ut moveatur à lumine fidei & gratiae; per dona verò disponitur ut connaturaliter moveatur à Spiritu Sancto: *Manifestum est autem (inquit S. Doctor hic art. 8.) quod ad altiorem motorem oportet majori perfectione mobile esse dispositum: Ergo dona perfectiora sunt virtutibus moralibus, sive infusis, sive acquisitis.*

24. Confirmatur: Virtutes morales acquisitæ respiciunt suum objectum ut dirigibile per regulas prudentiae acquisitæ; infusa illud attingant ut dirigibile per regulas prudentiae infusa, mo-

A do communi & ordinario, dona verò illud respiciunt ut dirigibile modo altiori, nempe per quandam specialem motionem & instinctum Spiritus sancti: Ergo illa superiora & perfectiora sunt virtutibus moralibus, sive infusis, sive acquisitis.

ARTICVLVS II.

De donis Spiritus sancti in particulari.

25. Septem dari Spiritus sancti dona, comitatus est Patrum & Theologorum consensus: & colligitur ex Scriptura Isaiae 11. ubi scriptum recententur his verbis: *Egredietur virga de radice Jesse, & flos de radice ejus ascendet, & requiescat super eum spiritus Domini: Spiritus sapientia & intellectus, Spiritus consilii & fortitudinis, Spiritus scientie & pietatis, & replebit eum Spiritus timoris Domini.*

Ratio vero assignatur à D. Thoma h̄c art. 4. Quot enim sunt operationes potentiarum, quæ sunt principia humanorum actuum, tot sunt dona Spiritus sancti: Sed septem sunt operationes potentiarum, quæ sunt principia humanorum actuum: Ergo septem sunt dona Spiritus sancti. Major probatur: quia dona Spiritus sancti sunt quidam habitus perficientes hominem ad hoc ut promptè sequatur instinctum ipsius Spiritus sancti; sicut virtutes morales perficiunt vires appetitivas ad hoc ut obdiant rationi: unde sicut morales virtutes sunt secundum numerum operationum, in quibus virtutes appetitivæ moventur à ratione; ita dona tot sunt, quot operationes potentiarum quæ sunt apta moveri à Deo. Minor etiam suadetur: Nam vis quæ est principium humanorum actuum duplex est, scilicet ratio, & appetitus; ratio etiam est duplex, nimurum speculativa & practica; & sic est triplex principium humanorum actuum, nempe ratio speculativa, ratio practica, & appetitus: operatio vero intellectus, tum speculativi, tum practici, duplex est, scilicet apprehensio veritatis, & judicium de veritate: similiter appetitus duplēcē habet operationem, unam per quam se habet ad ea quæ sunt ad alterum, aliam verò per quam se habet ad ea quæ sunt ad se; & hæc sunt duo, scilicet peticula & delectabilia: unde septem sunt operationes harum potentiarum. In primis intellectus speculativus apprehendit veritatem; & hæc operatio perficitur per donum intellectus: secundūdū judicat de veritate apprehensa; & hæc perficitur per donum sapientie. Similiter intellectus practicus primū apprehendit veritatem; & hæc apprehensio fit per donum scientie: secundūdū judicat de veritate apprehensa; & hæc perficitur per donum consilii. Appetitus vero in his quæ sunt ad alterum perficitur per donum pietatis; in his autem quæ sunt ad se, primū in timore periculorum perficitur per donum fortitudinis; secundūdū in concupiscentia delectabilium perficitur per donum timoris, secundūdū illud Proverb. 6. *In timore Domini declinat omnis à malo: & istud Psal. 118. Conlige timore tuo carnes meas, à judicis enim tuis timui.* Quasi diceret (inquit Glossa) da mihi castum timorem, scilicet filiale, quo omnia carnalia desideria configantur. Ergo septem sunt dona Spiritus sancti, nempe donum in-